

ARUBA ANSE COURANT

OPTIEK
Oranjestad
San Nicolas

Spritzer Fuhrmann



Diario



pa Aruba

TRY.....
Tropical Cherry
a fine NEW softdrink
from
Tropical Bottling Co.
call: 1773

The Beer That
Made Milwaukee Famous

ANJA 20 DIASABRA 3 JANUARI 1959 Nr. 3325

Trupanen di avance di Fidel Castro ta drentando Habana na Cuba

New York 2 januari — E trupanen di avance di Fidel Castro ta drentando Habana, asina un radioemisora na New York a anuncia Diabierne anochi. Trucknan cu rebeldenan ya ta na vista den dje suburbionan di e capital Cubano.

Fidel Castro, e lider dje rebelde cubano, tin intencion di forma un gobierno provisional pa 1 anja y mei, pa e hanja oportunidad pa larga revisa constitucion di Cuba, asina un representante di su movimiento a declara, durante un conversacion cu e corant canadense „The Gazette”. Fidel Castro no ta desea di hira presidente actualmente, pero e ta desea e puesto di ministro di defensa den un gobierno cu Manuel Urrutia lo forma.

Segun e representante presidente Batista a consenti varios luna pasa, pa duna su poder over, despues cu nan a sigur'e cu el lo por bai bibe desterra cu su propiedadnan; sin embargo su oficialnan mas importante cu no tabata por hanja tal garantia no a larga Batista haci esey.

E ministro plenipotenciario di Cuba na Rio de Janeiro, Brazil, a informa e ministro di asuntunan exterior di Brazil, cu e no ta reconece e junta militar cu a tuma gobierno di Cuba over despues cu Batista a hui. Segun e ministro plenipotenciario cubano presidente Urrutia ta e berdadero lider di Cuba.

E embahadornan cubano na Paris y Bonn tambe a adapta nan mes para e circunstancianan cambia na nan pais.

Gobierno di Uruguay ta cla pa reconece e regimen nobo na Cuba, asina e ministro di asuntunan exterior dje pais ey a informa.

Awe mainta un grupo di demonstrante a ataca e edificio dje corant „Havana-Post”. Nan tabata arma cu fusil y mitralleur. E oficina di Associated Press tambe ta den e edificio. Segun e noticianan no tin victima.

nobo di poliznan di Cuba, coronel Vicente Leon, a duna orde pa proteha e baneonan. No ta permiti pa efectua ningun pago; esaki ta pa stroba e simpatizadornan di Batista di bai cu nan placa.... Oficialnan cu ta culpable di cualquier crimen lo worde persigui y sentenciá.... mester informa poliznan mas pronto posible di tur caso den cual e prisioneronan a ser maltrata.

Den e parque central di Havana observadornan lo reuni awe tardi y aya e nombracion di Manuel Urrutia

cia na Corsow a sigui keda bao di arrestacion y a worde obliga pa entrega cierto documentonan, su abogado a conclui cu e expulsion a sigui su curso normal y pa tal motibo ta exhibi pagamento di e dwangsom di 100.000.— florin.

E contra partido sinembargo ta afirma cu e suspension di e expulsion ta enduca na un cesacion di e medidanan di expulsion door vwd. Gezaghobber di Aruba, senyor O. S. Henriquez y mientras por lo demas nan ta atestigua cu no ta Antillas Neerlandes ta responsabel pa e danjo pero eilandgebied Aruba.

Kortgeding awe mainta contra pagamento di e dwangsom na Mark Serphos

Awe mainta lo tin un kort geding door di rechtspersoon di Antillas Neerlandes contra pagamento di e dwangsom di 100.000.— florin na senyor Mark Serphos.

AIR CONDITIONING

Door di huez J. Gent algun dia pasa a worde duna e sentencia na motibo di un kort geding den e caso di expulsion di Mark Serphos, na unda e la ordena pa stop inmediatamente cu e expulsion al contrario lo tin un castigo di un dwangsom di 100.000.— florin.

Como senyor Mark Serphos, despues cu e sentencia aki a worde anun-

BASEBALL - BASEBALL - BASEBALL

WILHELMINA STADION
Diadomingo, 4 di januari pa 10.00 a.m.
Campeonato di Oranjestad Little League Baseball
LIONS vs. ADAMS CHICLETS
Bin weita muchanan di bo barrio den accion pa solamente 0.25 ct. pa dos wega.



Aki nos ta mira senyor Vrolijk cu e celebra den su man (morto naturalmente) huntu cu dos becijnia, kende mescos cu Eva no tabatin miedo di e celebra. Na robex ta Precilia Solognier y e otro ta Otilia Erasmus.

Un cascabel di mas o menos ocho anja

ORANJESTAD — Senyor Angelico Vrolijk di Piedra Plat 61 ayera mainta huntu cu su esposa y cinco junan a bai keiru na costa di Aruba, banda

di Mirallamar pa bai husea chimaruca, ora cu di repente e ta descubri un cascabel cu el no tabata mucho grandi, pero di ningun tabanera menos venenoso.

Senyor Vrolijk cu mes ora a realiza den ki peliger nan ta inmediatamente a sute cu piedra te matele.

Segun e „maraca-nan” dje cascabel e mester tin como ocho anja caba.

Scooter a slip

Riba e caminda di Tanki Leendert cu ta bai pa Tanki Flip, dia 31 n.p. e scooter A-58 a slip di caminda, door cu P.L. cu tabata mucha e scooter a behe poco alcohol di mas. Despues cu e scooter a slip, l. a sali cu cabex. E mester a worde tuma na San Pedro Hospital.

Auto den rooi

Diahuebs atardi, posibel door di un stuur defecto e auto A-5136, cual D.J.W. tabata stuur a baha den un rooi cantu di caminda na Noord. E auto a hanja danjo di mas o menos f. 1.200.— y W. a hanja golpi den

Dalmento

Anja nobo pa 8'or di anochi riba e caminda di Weg naar Rooi Hundo A-6121 y A-922, resp. na wjel R.A.B. y A.A.R. a corre drenta otro. E falto ta di B. pa di prome e tabata bato di influencia di alcohol y pa di dos e no a duna preferencia di caminda mientras e tabata hini riba e caminda di terra, pa subi caminda di asfalt. Danjo na A-922 f. 2.00.— E otro A-6121 ta completamente destrui, total loss. Tur dos e chofernan y un pasahero dje auto A-6121 a worde herida.

ALEGRIA Y TRISTEZA



Sra. Frank Callo ta braza su jiu yen di alegria na St. Anne-hospital Chicago, despues cu e la worde salba dje candela grandi cu tabatin algun siman na unda e school di parochia a kima te na suela y 87 mucha a perde nan bida y tres soeur. Na unda e cada-vernan tabata Phil Compartment ta yora despues cu e la indentifica su jiu hombre entre e victimanan.

Tabata relativamente tranquil na Havana awe-maizta. Por a tonde tiro di bez en cuando, ora cu e poliznan cu tabata haci patrulla, mester a usa nan pa dispersa hendenan para den grupo of pa evita hortamento den tiendanan y pacusnan. E comandante



Captain di Noord Leon Kelly, despues cu el a ricibi e copa di frere-director Bonifacius di Huize de la Salle.

Noord ganadonan dje torneo di futbol

ORANJESTAD — Ayera tardi den un encuentro entre equipo di La Salleschool y Noord, e muchanan di Noord a sali victorios. Esaki tabata dje torneo di futbol cu maestronan di

school a organiza pa muchanan di school durante kerst-vacantie.

Frere-director Bonifacius di Huize de la Salle a entrega e copa na Leon Kelly, kende ta e captain di Noord.

Cu esaki tabata blanca diente di orgullo ta di comprende. De La Salleschool a bira sub-campeon dje torneo, na cual seis school a participa.

De moderne vrouw.... draagt tegenwoordig de fijne en fantastisch zittende **BLOUSES uit OOSTENRIJK**

U moet onze collectie eens komen bekijken, in een woord: **AF.**

ARUBA TRADING COMPANY
ORANJESTAD - SAN NICOLAS

CINE
E WEEKEND AKI
3 & 4 DI JANUARI

DE VEER
8.30 'or
THE AMBASSADOR'S DAUGHTER
(LA HIJA DEL EMBAJADOR)
Cu: Olivia de Havilland - John Forsythe - Myrna Loy - Adolphe Menjou
Fl. 1.75
Diadomingo matinee: 6.00 'or
TOY TIGER (Heroes de Papel)
Cu: Jeff Chandler - Laralyn Day - Tim Hovey
Fl. 1.—

RIALTO
8.00 'or
HE ADVENTURES OF MARCO POLO
(LAS AVENTURAS DE MARCO POLO)
Cu: Gary Cooper - Basil Rathbone - Ernest Truex - Sigried Curie - Lana Turner - Bennie Barnes
Fl. 1.25
Diadomingo matinee 5.45 'or
TOY TIGER (Heroes de Papel)
Cu: Jeff Chandler - Laralyn Day - Tim Hovey
Fl. 0.75

PRINCIPAL
8.00 'or
STEEL BAYONET
Cu: Leo Geuu - Kerom Moore
Fl. 1.25
Diadomingo 8.00 'or
MARJORIE MORNINGSTAR
Gene Kelly - Natalie Wood
Fl. 1.25
Diadomingo matinee: 6.90 'or
JESUS DE NAZARETH
Cu: Jose Carrilan - Jose Baviera - Jose Pidal
Fl. 0.75

AURORA
7.30 'or
QUEEN BEE (La Abeja Reina)
Cu: Joan Crawford - Barry Sullivan - Betsy Palmer - John Ireland
Fl. 1.—
Diadomingo matinee: 6.00 'or
THE DEADLY MANTIS (El Monstruo Alado)
Cu: Craig Stevens - Alix Talton
Fl. 0.50
8.00 'or
HORA Y MEDIA DE BALAZOS
Cu: Rexortos - Jose E. Moreno - Lucy Gonzalez
Fl. 1.—

SAVANETA
7.30 'or
STORM OVER THE NILE (El Nilo en Llamas)
Cu: Laurence Harvey - Anthony Steel - James Robertson Justice
Fl. 1.25
Diadomingo matinee: 6.30 'or
KELLY AND ME (Kelly y Yo)
Cu: Van Johnson - Piper Laurie - Maria Hyer
Fl. 0.50
8.00 'or
OUTSIDE THE LAW (Contra Toda Ley)
Cu: Richard Basehart - Marilyn Maxwell - Signe Hasso - Dorothy Hart
Fl. 1.25

Jefe Victorioso Di Rebelde Fidel Castro Ta Pura Pa Tuma Control Dje Gobierno

HAVANA, 2 jan. — Amda Cuba, no ta stabil. Fidel Castro a anuncia, cu e ta rechaza un armisticio cu e Junta Provisional a ofrece, y cu e ta exigi pa e trupan di gobierno duna nan mes over incondicionalmente. E bringamentu ta sigui no obstante e armisticio cu e junto a proclama.

Na Havana tabatin irregularidad grave. Hendenan a drenta paensnan, tiendan y lugarnan di recreacion y a horta eos y cende e edificionan na candela.

Cuartel general dje rebelde nan a pidi tur Cuban via radio, pa keda tranquil. El a pidi tur hende tambe pa prepara nan mes pa un huelga general contra e junta militar. Na Havana candela a destrui e edificio di gobierno, „El Tiempo“.

E irregularidadnan a causa cu asina tanto hende a hanja herida, cu e hospitalnan no por hanja suficiente hende pa duca sauger. Ayera situacion na Havana tabata yen di tension y confusion. E aeropuerto tabata cerra pa tur trafico. E transmisor „Union Radio“ y algun edificio sindical ta den man di Comunistanan.

E guarnicion di Santiago, e segundo ciudad di Cuba, a duna su mes over. Fidel Castro a yega den e ciudad ey.

El a duna su trupan order, pa bai den tur ciudad dje provincia Camaguey. E ta desea di separa e isla na dos door di ocupa e parti central di Cuba.

12 of 20 hende a muri durante e irregularidadnan na Havana. Coronel Ramon Varquin, un ex-agregado militar na embahada di Cuba na Washington, kende a hanja su libertad ayera, hunto cu varios otro prisionero politico, a ser nombra jefe di estado general. E ta trata di hanja comunicacion cu Castro, pa invita e lider rebelioso pa bai Havana hunto cu Urrutia. Parce cu e junta militar kier acepta Urrutia como presidente provisional.

Ayera noch tranquilidad a bolbe na Havana. Simpatisadonan di e „Movimiento di 26 di Julio“ di Fidel Castro tabata haci patrulla den e cayanan, arma cu scopet. E autobusnan a stop di corre. E cineman y restaurantnan a cerra. Observadonan ta spera cu e huelga cu Castro a proclama, lo bira general awe. Trupan dje rebelde nan ta bai Havana.

Awe corant Mericano „New York Times“ a aplaudi e caida di Batista. E corant a elogia Fidel Castro, e bomber cu a subi terra dia 2 di December 1956 cu un grupo chiquito di simpatisador, den e provincia Oriente, pa cuminsa e lucha contra dictadura. Awor e tin un trabao nisa, asina „New York Times“ a scribi. E corant ta di opinion cu den e lunanan cu ta bini Cuba lo tin hopi mester di asistencia Mericano y cu Merca mester duna e asistencia ey generosamente e cu comprendimentu.

Den varios pais Sur-Americano simpatisadonan di Castro a ocupa e embahadanan Cubano.

Awe mainta Fidel Castro a proclama Manuel Urrutia presidente provisional di Cuba y Castro a bisa cu el lo bai Havana. Santiago de Cuba a hira caipital provisional dje pais.

Directiva dje Partido pa Accion Democratico na Venezuela, cu a gana e eleccionnan aya, a expresa su adhesion cu „pueblo di Cuba, cu a libera su mes dje tirania di Batista cruel“.

Presidente Betancourt a pidi atencion di pueblo, Cubano den un mensahe, pa e hecho, cu e organisacion di estadonan Mericano a ignora e lucha dje Cubano pa hanja nan libertad. Despues di caida di Batista tabatin demostracion entusiasma na Venezuela.

Noticia di New York

General Batista a yega Ciudad Trujillo cu su esposa y 5 yunan, 1 el a bai hiba den un hotel.

Batista, kende tabata mustra cansa, a declara cu e mester a stop e lucha contra Fidel Castro, pasobra e no

Trupan di avance di Fidel Castro ta drentando Havana

Continuacion di pag. 1

Fidel Castro ta yegando Havana

Fidel Castro ta na caminda pa Havana y poco despues cu e yega instalacion di Urrutia lo tuma lugar.

Na New York a ser informa cu un parti di Batista su familia probablemente lo bai hiba den su villa na Daytona Beach, Estado Florida na Merca.

Batista tin 3 jiu di su prome matrimonio y 4 di su segundo matrimonio; e henter familia ta na Merca cu excepcion di Batista y su esposa; nan ta na Ciudad Trujillo ainda.

Segun informacion di Casa Blanca Merca tabata tin intencion di evacua e ciudadanonan mericano for di Cuba cu bapor di guerra, pero esaki no tabata necesario. Ningun mericano no a core peligro. Tres periodista di Associated Press a ser arresta despues dje ocupacion di nan oficina den e edificio di „Havana Post“, pero despues di un interrogacion nan a hanja nan libertad atrobe.

E radioemisoranan na Havana no a menciona Carlos Piedra, e consehero mas bieuw di Corte Supremo, kende a ser nombra presidente provisional door di e junta militar, despues cu Fulgencio Batista a tuma su retiro como presidente di Cuba. Mayoria parti dje radioemisoranan ta menciona Urrutia como presidente.

E Junta Militar, cu tabata bao di direccion di general Urologio Caspillo, y cu a tuma gobierno over despues cu Batista a hui bai Santo Domingo, a ser anula entre tanto. Coronel Ramon Barquin a tuma su autorizacion militar over. Barquin ta hefe dje Estado comun militar y comandante di tur e trupan. Coronel Barquin ta trata ademas di hanja contact cu Fidel Castro, pa pidiele pa bai Havana inmediatamente. Asina ta cu por conclui cu exercito lo acepta Urrutia awor como presidente provisional.

tabata por munda cuminda y municion pa su trupan, mientras cu e rebelde nan tabata ricibi arma continuamente.

E ruman humber di presidente Batista, Francisco, a yega Palm Beach (estado Florida) ayera en un avion cu a bini di Havana. E avion a transporta 46 Cubano, entre cual esposa y junan dje presidente nobo, Aguejo, e ministro di agricultura y varios oficial haltu di cuerpo di poliz di Cuba.

Un avion a baha na Idlewild, New York, ayera cu copro 100 simpatisador Cubano di Batista.

E piloto a declara cu nan a obligele cu un revolver di salí for di Havana, aunque cu e tabata di opinion cu e avion tabata mucho yen.

A ser informa, cu obreronan a ocupa e refinarianan di zeta dje companianan Mericano di zeta, „Esso“ y „Shell“.

promé bez den historia den e ciudad danos. Nyboro. Invitacionnan pa atende e conferencia aki a ser manda pa e miembronan dje conseho mundial di iglesianan y tambe pa e iglesianan den Oriente y Occidente, cu no ta miembro dje conseho mundial. Nan ta spera como 80 participante, delegadonan di Dinamarca, Checoslovakia, Rusia, Polonia, Suecia, Alemania, Hulanda, Inglaterra, Yugoslavia, Finlandia, Italia, Suisa, Austria, Espanja, Francia, Hungria, Noruega, y Belgica.

E conferencia ta resultado di un serie di discusion no-oficial y reunion di representantenan dje iglesianan, cu lo tuma parti na e conferencia.

Partido Comunista na Egipto y Syria desbarata

CAIRO, 2 jan. — E autoridadnan dje Republica Uni Arabe a kibra forza dje partidonan comunista ohikita, pero rumoroso na Egipto y Syria ayera, cu un accion cu nan a checuta rapido manera weelicht, asina observadonan na Cairo a declara. Na Egipto como 100 comunista a ser arresta — nan ta un cuartu parti dje cantidad di miembro dje partido — y na Syria mas tantu comunista a ser arresta.

Tur e corantnan egipcio a informa di bringamentu continuo entre-nacionalistanan y comunistanan arabe na Irak. Oficialmente partido comunista no tabata por haci nada na Egipto, pasobra na 1952 tur partido comunista a ser anula y prohibi.

E corant egipcio „Al Akhbar“ a informa cu e autoridadnan di Irak a descubri un complot. E conspiradonan, cu a ser arresta entre tanto, tabata kier bula e tuberianan di zeta na Kirkouk, asina e corant a scribi.

mingo, a ser anula entre tanto. Coronel Ramon Barquin a tuma su autorizacion militar over. Barquin ta hefe dje Estado comun militar y comandante di tur e trupan. Coronel Barquin ta trata ademas di hanja contact cu Fidel Castro, pa pidiele pa bai Havana inmediatamente. Asina ta cu por conclui cu exercito lo acepta Urrutia awor como presidente provisional.

Iglesianan no-catolico lo reuni na Dinamarca

DEN HAAG, 2 jan. — Di 6 di januari pa dia 9 di januari e iglesianan no-catolico di Europa lo reuni pa di

DI NOS CORRESPONSAL NA WILLEMSTAD

Accidente di trabao cu resultado mortal

Ayera un trahador portugues di CPIM tabata haciendo su trabao riba terreno controlando un schoorsteen di Trumble 11. Haciendo e trabao aki e tabata den un sorto di baki di stal cu tabata pega na un kabel di stal cual e mes tabata maneha segun e altura cu e quier a bai. A sosede cu un distancia di alomenos 5 meter a resulta un defecto chiquito na e kabel aqui of sea e break no a core mas, di moda cu e baki a slip y e choque aqui a ocasiona un golpe na su cachete cu tabata asina duro cu esaki a ocasiona morto instantaneamente. Dokter De Loos cu na e momento ai a ser jama, a constata morto y a transporta e cadaver pa hospital Sanatorium foj unda awe atardi su restonan mortal lo ser hiba na su ultimo luga di sosiego. Nos profundo condolencia na familia dje fallecido.

RECEPCION DEN RESTAURANT AERO VISTA DI KLM

Riha prome dia di Anja Nobo, Sr. y Sra. Steensma a ricibi miembronan di personal di KLM den e restaurant

Aero Vista renoba y bunita di KLM. Tabata reina un esfera dibordito. Sr. y Sra. Steensma a entretene nan na un manera masha cordial cu e KLM-eman y nan familia, kendenan a bini na gran cantidad y muy pronto tabata reina un esfera masha intima den e restaurant. Pa e presentacion dje anochi esaki tabata un encuentro asina amistoso cu a queda pa nan un grata recuerdo.

Yuda aumenta e seguridad di trafico

Den mi capacidad di Minister di Trafico y Transporte, mi ta sostene completamente e Accion di Trafico Seguro cu ta cuminsa 5 di januari 1959, cu ta sali di e „Sociedad pa Trafico Seguro“ na Corsow“ den cooperacion cu Policia di Trafico y N.V. Curacaoseche Petroleum Industrie Maatschappij. Mi ta expresa e confianza cu tur usadonan di caminda den practica lo coopera pa aumenta considerablemente e seguridad di trafico, door di cua e cantidad di accidentenan en realidad lo worde limita y asina evita hopi sufrimento. Minister di Trafico y Transporte a.l. F. B. Tromp.

Segundo Conferencia di Caribe pa Sanidad Publica Espiritual

E comision pa organiza e di dos conferencia den Caribe pa Sanidad Publica Espiritual tin idea di tene e di dos conferencia aki di 9 te 16 di April 1959, na St. Thomas, U.S. Virgin Islands.

E comision aki a reuni di 26 te 29 di November up. na Martinique y a eligi como obhetonan pa e conferencia aki: „Muchanan den Caribe: Con pa yuda nan“.

E obheto aki mes ora ta inclui — „Muchanan y nan desaroyo“; „Muchanan den circunstancianan dificultat“; y „Medidanan den comunidad pa yuda e muchanan“.

„World Federation for Mental Health“ lo actua como lider pa e conferencia aki. Pa hanja placion necesario pa e conferencia aki, nan lo pidi contribucion di parti di gobierno y di institucionnan pa Sanidad Espiritual di publico.

Tambe nan tin e intencion pa durante e conferencia pa funda un Federacion pa Sanidad Espiritual den Caribe.

Miembronan den e comision di organizacion tabata: Senjora Elnora Shullerbrandt y Dr. Eric L. O'Neal, Virgin Islands; Dr. Robert Lloyd-Still, Barbados; Dr. L. F. E. Lewis di Trinidad; Dr. Bertram Shaffner, New York; Dr. M. Despinoy, Martinique; y Dr. W. E. Kendall di Aruba.

ESTA UN SORPRESA!



Richard Gillet, 22, y Dorothy Manewal, 16, ta papiando na telefon cu nan amigonan na Portland, Ore., despues cu durante un „date“ nan a descubri cu nan ta ruman di otro. Nan mama a muri 10 anja pasa y cada uno a worde adopta pa diferente familia. Durante un anochi cu nan a sali pa keiru, y nan a dicidi di conta otro cu Gillet y Manewal na ta nan berdadero number, etc., etc. nan a hanja e sorpresa di nan bida....



Roberta Booth ta na Miami Beach aki. Pakiko e ta rek tantu asina? Wel, e ta bisa, pa keda na style.

Middelenaat di Aruba di januari te november '58

ORANJESTAD — E Middelenaat di Aruba pa e periodo di Januari te cu November 1958 ta menciona como entradanan valua durante e tempo ei un suma di f 19.024.133.— En realidad a drenta f 15.838.387,77

Masha Danki

ORANJESTAD — Pa e anja nobo aki nos a ricibi hopi desocion cordial y sympatico. Pa nan bon desocion nos ta gradici nan, entre otro nos kier menciona Compere Chino, kende ta un colaborador bieuw di „Arubaanse Courant“, S. N. Eubry N.V., Partido Liberal Arubano, Sr. y Sra. J. J. Madoro-Odor, oficina di anuncio y propaganda R. J. Dovale na Corsow, y di Lago Oil & Transport Company.

Un bunita calender cu fotonan di color di Swisa nos a ricibi di WIF-COM di Corsow. Ta un calender di RUF Bookkeeping Ltd., kende tin su oficina principal na Zurich. Firma J. A. C. Nieuw a sorpresa nos cu un inolvidable calender di cerbez-Tuborg, edita pa Pedro Domecq, cual Fundador Brandy na Aruba ta masha conoci. Un calender practico di botica nos a bolbe ricibi e anja aki di Botica Aruba. Un calender di Firestone cu seis foto grandi a worde agrega na tur esnan menciona door di firma Neme. Tambe Lago nos kier gradici pa e bunita calender cu nos a ricibi ayera, cual tin e fotonan saca door di amateurnan na Aruba di lugarnan na Aruba mes.

Bouwmaatschappij „Aruba“ N.V. a sorpresa nos cu un duimstok, di Ahrend, pa cual firma Bouwmaatschappij tin agencia na Aruba. Easo Servicecenter di Sr. A. Oslin Scholten di Maria Christinastraat a regala nos un sanbenchi practico. Firma Jac Bodegom & Co. a regala nos un pen di ballpoint y tambe di Casa Mathias nos a ricibi un gracioso cuadro cu un termometer aden.

Club Federacion a manda nos un bunita calender cu reproduccionnan di Da Vinci „Ultima Cena“. Por lo de mas algun vloei-papier, algu masha util pa tur kantoor, nos a ricibi di Ticlemans Kantoormachine-Reparatie Bedrijf, y algun agenda pa saca cu Casa Electronica a tres pa nos.

Na unda truck di cine ta bai e siman aki?

ORANJESTAD — E truck di cine di e institucion pa combati abuso di alcohol na Aruba siman cu ta bini lo pasa peluculan riba fechanan cu nos lo endica aki!wo y asina tambe na e lugarnan cu e truck lo bai.

Dialuna, dia 5 di Januari na Noord, riba e plenchi di warda di polis; Dia-razon, dia 7 di Januari na Kalabas; Diabierna, dia 9 di Januari na Tanki Leandert, riba e terreno di centro Juvenil. Tur e presentacionnan lo cuminsa pa 7 or y mey y lo dura un ora mas o menos.

bij N.V. Drukkerij „De Star“, Telefoon 1114. Directie en Advertentie. Directeur-Hoofdredacteur: G.J. STAARTJES. De „ARUBAANSE COURANT“ is een week- van de N.V. Arubaanse Drukkerij, ge- uitgeverij: en Publ. Mij. en wordt gedrukt telefoon 2116. Redactie en Abonnementen. Losse nummers 25 cent, verkrijgbaar bij elke krant.

AGENDA

KERKDIENSTEN VAN DE PROTESTANTSE GEMEENTE OP ARUBA

4 Januari, 1959:
Oranjestad: 9.00 uur v.m.: Ds. Jakob Piedra
Plat: 9.00 uur v.m.: Ds. Visser
San Nicolas: 11.00 uur v.m.: Ds. Visser

ROOMS-KATHOLIEKE KERK-DIENSTEN

Oranjestad, H. Franciscus Kerk: H. Mis om: 5 uur, 6.30, 7.30 kinderen, 8.30, 7.00 's avonds.

San Nicolas, H. Theresia Kerk: H. Mis om: 5 uur, kwart over zes, 7.30 kinderen, 8.30 Hoogmis, 5 uur 's middags.

Santa Cruz, Kerk v.d. Onbevleete Ontvanging: H. Mis om: 5 uur, 6.30, 7.30 kinderen, 8.30 Hoogmis.

Savaneta, H. Hart Kerk: H. Mis om: 5 uur, kwart over zeven kindermis, 9 Hoogmis.

Paradera, St. Filomena Kerk: H. Mis om: 5 uur, 8.30 Hoogmis.

Noord, St. Anna Kerk: H. Mis om: 5 uur, 7 uur kindermis uitsluitend voor kinderen, 8.30 Hoogmis.

Cura Cabai, Christus Koning Kerk: H. Mis: 5 uur, 8 uur Hoogmis.

Apuntes Editoriales

Na januari 1958 e pueblo Venezolano a logra elimina e dictador Perez Jimenez for di nan curpa, un anja despues, Januari 1959, e dictador di Cuba, Fulgencio Batista, mester baha na owa pa e pueblo.

Ademas dje comparacionan di e luna di Januari tin mas comparacion entre Venezuela y Cuba. Den tur dos pais e dictadornan a gobernato e mes un manera, casi nan a usa e mes un „Manual internacional pa dictadornan“, nos por bisa. Algun punto dje manual aki ta: pa preba libertad di prensa, preba libertad di pata, metodonan cruel di polisnan y „eleccionnan“ cu un candidato. Pueblo di America Latino no por aprecia e metodonan aki y ta demostra esaki continuamente. Esaki ta e motibonan tambe cu dictadornan ne tin bida largu.

Cu te ainda dictadura ta existi y den futuro ainde tambe lo por existi no kier meen cu America Latino no ta stima su libertad. Pero poco-poco lo yega un fin completo dje dictadornan aki y dictadura lo pertenece na pasado.

Mientras tanto tur hende por ta contentu cu e balente Fidel Castro despues di un lucha di dos anja, cu medidanan scars contra un oponente bon prepara, a gana su lucha. Cu esaki un biaha mas ta keda demostra cu e spiritu di hende semper lo triunfa, no obstante e bentahanan material cu e oponente tin. Un man yen di guerrillas di Castro e tumba un poderoso exercito. E exercito cubano, casi mayormente consistiendo di hendenan cu nan curazon ta pertenesce na Fidel Castro, pero dirigi door di lideman kende principalmente pa propio interes na basta, mester a baha cabez contra e spiritu, e espíritu di libertad y democracia, e biennan mas importante pa un hende den un mundo liber.

800.000 dollar ta falta den caja



John E. Peterson (foto ariba) ta den arrest na Los Angeles pa motibo cu Sun Valley National Bank ta falta 800.000 dollar den caja. F.B.I. ta investigando e caso. Sr. Peterson, 49, kende tabata cahero na e banco menciona, ora cu e investigacionnan a cuminsa a pidi su retiro.

Atomic airplane



Cientificonan americano a yega na un estado „critico“ awor cu nan a proyecta un avion cu ta worde empuha pa forza nuclear, ta bisa Rep. Melvin Price (ariba), un democrat di Illinois, kende ta dirigi e subgrupo cu ta haciendo e experimentonan atomico.

Dennis, de Schrik van de Buurt



„Kijk eens hier! Zijn dat geen sporen van rendieren?“

„Mira ei! Un ta, marca di rendier esinan ta?“

ATTENTION EXCHANGE YOUR EMPTY PACKAGES OF



For fine quality, useful famous „Canon“ towels

ARUBA TRADING COMPANY Oranjestad - San Nicolas

Voor schriftelijk order bij LEIDSCHER ONDERWIJSSTELLINGEN, Willemstad 13, Willemstad 17640. Aan hebt u binnen 24 uur een antwoord verwacht.

Texas Furniture Store voor Nordmeade Radio's.

„PROPELLOPLANE“



Inventor nan nobo ta sigui su curso. Riba e foto aki nos ta mira un Hiller X-18 „Propello-plane“...

PAGINATRES

„Algemeen Handelsblad“ Mester A Publica Un Rectificacion

ORANJESTAD: — Di oficina di abogado di mr. M. van Vugt y mr. A. Borst no Amsterdam...

Handelsblad a publica dia 23 di december tabata lo siguiente:

CASO SERPHOS

Den Algemeen Handelsblad di 4 di december nos a publica un noticia di nos corresponsal na Corsow...

„Den Algemeen Handelsblad di 4 di december 1958 tin un publicacion tocante e expulsion di Sr. M. Serphos...

E rectificacion cu e corant Algemeen

„Semana Mariana“ Na Aruba Ta Cumisa Dia 6 Di Januari

ORANJESTAD — Despues di un preparacion di algun luna, Comision „Semana Mariana“...

Presidente F. B. Tromp; secretario J. H. van Gompel; miembros: Srta. B. Orman...

Durante e siman ey discursonan lo worde tene den casi tur parokia di Aruba...

Na nomber di e Comision General di Aña di Lourdes 1958, pa medio di esaki nos ta aproba...

E Comision „Semana Mariana“ ta consisti di siguiente personanan:

Servicio KLM-Havana suspendi

SCHIPHOL, 2 jan. — E filial den Caribe di KLM a dicidi di stop su servicion pa Cuba...

Pasobra anjanan pasa riba terreno di Centrale markthalen di Amsterdam...

Cumpleaños feliz

Pa cortesía di MARIO'S

E hobencita Genevieve Petrocchi ta celebra su feliz cumpleaños...

E simpatica señorita Diana Gomez ta celebra su feliz cumpleaños...

Señorita Dora Hernandez ta cumpli 18 aniversario. E ta ricibi hopi felicitacion...

Bo mester di un regalo bo amiga? MARIO'S tin LAMPI DI MESA

E hobencita Ingrid Eveline Croes ta celebra su feliz cumpleaños...

E gentil caballero Esteban Werleman ta ricibi felicitacion especial...

Awe ta recorda su fecha natal e hobencita Genevieve Petrocchi...

Awe ta cumpli 1 aña e chikita Genevieve Petrocchi...

E hobencito Arden Giel ta celebra su feliz cumpleaños...

Helen Arends a cumpli 11 aña. E ta ricibi felicitacion...

Pa aviso y tur correspondencia na „Arubaanse Courant“...

AGENDA

- CINE: DIASABRA 3 DI JANUARI DE VEER, 8:30: „The Ambassador's Daughter“

BOTICA DI WANDA

Botica October TAORO - Tamarinda juice

AIR CONDITIONING

RADIO CARACAS TELEVISION

- Canales 2, 7 y 10 Sabado, 3 de Enero 7:55 Marcha Oficial

DOMINGO, 4 de Enero

- 7:55 Marcha Oficial 7:57 Informacion programas del dia

MARIO S. ARENDS N.V. CONCURSO

7500 puntos o (3800 puntos mas Fl. 40.—) 1 Ostericz Regular

„LA ESPERA“

obtenible na UNION STORE Mainstreet - San Nicolas

Cursus „Succes“ Cómienza e aña nobo bon. Tuma un curso di TYPE OF STENO...

Si bo ke un Hero di strika acudi na GENERAL STORE C. L. JULIO

BUILDING MATERIALS FASTER SERVICE BETTER QUALITY — LOWER PRICES ARUBA TRADING COMPANY

PRESENTANDO UNA NUEVA MEDIDA PARA EL KILOMETRAJE DE CARRETERAS HI-MILER CROSS-RIB GOOD YEAR Viana Auto Supply and Trading Co.

SOCIEDAD PA COMBATI ABUSO DI ALCOHOL NA ARUBA OFICINA DI CONSULTO PA ALCOHOLISMO

Un Descubrimiento Sensacional pa TUYUCHI No. 16 „Mi ciclo tasina leu el a alcanza?“

„Un trago awe, un trago majan Traha un caha di morto Otro siman“ LETITIA ODUBER

tabata sinti verkoud y no por a sali. Porfin riba un atardi el a yega castillo.

Oduber & Kan inc. Opticians tel. 2193

UN DI CADA CUATER PERSONA

tin e fastidio di menos bon bista.

PREVENI BO DI E MANICAP BI;

laga samina bo wowo.

ODUBER & KAN
OPTICANAN DEN NASSAUSTRAT No. 47

EL CISCO KID

„Si, Jaime, esaki ta e verdadero Cisco Kid. Mi ta compara loke Bill a manda pabo cu e firma di Cisco”. „Danki Jaime, bo a salba mi vida”. „Mi no sibi con nan por a ekivoce den bo cu un bandido”. „Sheriff! Sheriff!”



JUAN EL INTREPIDO

„Nan lo raka Juan. Nos mester salvele”. „També nos tin cu salb nos mes... pero tin un speranza”. Di e avion di Hazard. Dispone di e aparato pa hiza... mi ta bi trata na haci un milagro”. „Boso mester fihá masha bon pa boso mira mi den e oscuridad. Dios laga tin tempo pa mi pone mi eta”. „Para un pinga... si bin otro tiro asina... lo resta solamente mi pida nan”.



DICK TRACY

Ata maná a pasa nan pa bo revolver? Popy ta grita Ken ho ta kere bo ta reclamando cu bo lo ruina e syndicat? Esta idiota! Sali di mi lugar prome cu mi tira. Sali! Mientras tanu na warda di polis: Dick Tracy y su hendenan ta scucha tur cos riba nan taperecorder. Kiko nos por hasi? E polis muher ta puntra. „Nada”, Dick Tracy ta bisa.



RIP KIRBY

„E funcionarianan nan di cu e arma cu cual nan a asesina ta pertenece na e museo. Rip. „Hm, anto lo bo no por duna nos un pista di Dr. Destino”. Riba Atlantico den un avion na vuelo... E ta cediendo. Dr. Destino”. „Magnifico. Obra cu cuidao”. „Por fin, e escarabajo di esmeralda”.



EL PRECIO DEL TRIUNFO

Apropósito, Clint, esey ta e unico certificado! No tin copia fotostatic oní nada... mi ta un hombre honrado! Ta un placer pa hei negoshi cu bo, Sr. Limo! Clint ta contesta. Julia mi a trata di alcanza bo ayera nochi... Mi tabata tin miedo cu Clint por a bolbe cas y haya bo aya... Mi a bay prome cu e a jega... Mi no a haya nada, Limo... Julia ta contesta. No ta importa! Awc Potter a trece nan e mes! Lo mi manda un regalo pa bo pa bo molester... Limo ta contesta. Julia ta cera e telefono y ta bisa: Oh, Clint... No! manera e no por quere.



EL DIARIO DE UNA VIDA

Hotal y Juana...? Dan ta jega puntra. E ta den conferencia cu e hefe. Mi intencion ta bisa mi cu... Val Winston nifica algo mas cu hefe pé y ta di comperencia... Esey mi no ta gusta! Dan ta contesta. Habri e porta y quita tur bo dudu, bobo!... tene cuidao... masha cuidao! Bo ta acepta mi ajudo? Winston ta puntra Juana atrobe.



PEPITA

Si ta un otro bendido mi a bay hibe lo que e mercec Pumi Pumi! No! Ya ni a fada di compra cos inutil! Lorenzo ta grita. Pero mi ta vende bo algo cu lo ta masha util. Ora Lorenzo a habri porta, quico e ta haya... No vendedores. E ta bolbe compra! Pepita ta bisa.



Pelicula e weekend aki na De Veer Theater

„THE AMBASSADOR'S DAUGHTER”

— Der Cinemascope-Technicolor, un comedia alegre filma na e dushi, suave y sexy Paris —

E papel di e titulo ta worde hunga pa Olivia de Havilland. Kiko e jiu moyer di un ambassadeur mester haci? Un jiu di un president mag canta. Un jiu di un gobernador por bira un bellesa y gana fama mundial. Pero awor un jiu di un ambassadeur? Pues esaki ta worde manda huntu cu su mayornan na un pais estranhero entre hendenan cu diferente manera y diferente idioma. Kiko e mester hasi pa diversion, pa su educacion, su cultura, su propio desaroyo, su romance?

Tur e contestacionnan aki ta worde duna den e Cinemascope y Technicolor „The Ambassador's Daughter”. Un excelente pelicula comediante... e affair estranhero escandalosa den historia...

pectuoso cual a principia for di aña 1912.

Y e jiu moyer di e senador ta Olivia de Havilland. Kiko e jiu moyer di un ambassadeur mester haci? Un jiu di un president mag canta. Un jiu di un gobernador por bira un bellesa y gana fama mundial. Pero awor un jiu di un ambassadeur? Pues esaki ta worde manda huntu cu su mayornan na un pais estranhero entre hendenan cu diferente manera y diferente idioma. Kiko e mester hasi pa diversion, pa su educacion, su cultura, su propio desaroyo, su romance?

Tur e contestacionnan aki ta worde duna den e Cinemascope y Technicolor „The Ambassador's Daughter”. Un excelente pelicula comediante... e affair estranhero escandalosa den historia...

Contesta di Eisenhower riba mensahe di Krutshof

Lidernan Ruso mester lucha pa solucion pacifico di asunto-Berlin

GETTISBURG 2 jan. — Presidente Eisenhower a declara ayera den un contestacion telegrafico riba e mensahe di Anja Nobo di Krutshof, cu tabata dirigi na pueblo mericano, cu e lidernan rusu mester lucha pa efectua un solucion pacifico pa e asunto-Berlin.

Krutshof a expresa su speranza cu e tensionnan peligroso entre Oriente y Occidente lo reduci. Eisenhower a bisa den su contestacion, cu ta di masha importancia pa aplica e sintmentunan aki na e asunto-Berlin. El a recorda e declaracion rusu pa Berlin, cu segun su opinion no ta en acuerdo cu e speranza cu Krutshof a expresa.

ta dispuesto na discuti e asunto-Berlin den e cuadro mas grandi di henter e problema aleman y seguridad di Europa, den un atmosfera cu no ta sufrí di presion y amenaza, asina Eisenhower a bisa. Cualquier progreso positivo respecto e problema especial aki lo stimula e speranza cu 1959 lo ta e aña den cual lo tin hopi progreso den direccion di un paz justifica y duradero, asina Eisenhower a bisa.

Anja Nobo a cuminsa cu biento na Europa

„Gobierno di Merca ta repiti, cu e

DEN HAAG 2 jan. — Anja Nobo a cuminsa cu masha hopi biento na Europa Occidental. Velocidad dje biento tabata 100 km pa hora. Na Bussum, Hulanda, un palu a cai riba seis auto. Dos di nan a hanja masha hopi dajo.

Guatemala y caida di Batista

GUATEMALA, 2 jan. — Como 50 cubano, cu tabata biba na Ciudad di Guatemala como refugiado politico, a trata di drenta y ocupa e embahada cubano aya, pero poliznan a stroba nan di realiza nan deseo. Awor nan ta negocia cu e embahador cubano pa e duna nan e embahada voluntariamente, pero el a nega di haci esaki.

Estudiantenan na Guatemala a tene demonstracion pa expresa nan alegria cu caida di Batista. Na Inglaterra y na Normandia y Bretaña (Francia) tabata tin un storm pisa y tabata tin temblor, cu no a causa victima. No tabata tin hopi dajo tampoco. Na London un hombre a muri ora cu un kerstboom a cai for di riba un hotel y a dal e hombre abao. E bapor frances Liberté, di 51.800 tonelada, cu a yega di New York, mester a sconde cerca Plymouth, Inglaterra, na lugar di drenta cualquier baai, manera ta su costumbe.

Di nos corresponsal na Willemstad

Beatrix dok a pasa over na donjo nobo

For di 1 di januari 1959 e firma N.V. Curacaose Dok Maatschappij cu a worde estableci ultimamente a tuma over explotacion di „Beatrix Dok”.

Mehor Boyega Bo destino un ora mas laat

cu di hanja bo den santana, hospital of piscalat.

Dr. Albert Plesman -- recordacion riba luchthaven na Corsow

Anja bieu atardi riba Dr. Albert Plesman Luchthaven na Hato a worde pone algun krans na e borsbeeld di e Director di KLM Dr. Albert Plesman a muri 31 december 1953.

Banda di dos or y mei un numeroso grupo di invitados y interesados a reuni rondje dje borsbeeld di e director cu tabata tantu stima asina: un tripulacion completo di avion consistiendo di Sres. H.J. Mense, Comandant, W. Kjelstra 2o. piloto, P. Ditzel boordwerktuigkundige, M. A. Brahmans, steward y e stewardess Srta. Kooyman. Luego naturalmente hopi miembro di personal di KLM y figuranan conoci foi mundo di navegacion curazolenjo.

Responsabilidad di un chauffeur cu ta transporta pasahero ta di masha hopi nificacion. E ta un sorto di autoridad, pasobra su orden mester ser hiba durante e pasaheronan ta den su auto of bus.

Air Condition your home

lamentable bo tin di hiba e hendenan aqui na nan destino, sino tambe bo mester vigila pa nan bida y protega nan te ora cu bo hiba nan na nan destino. Esaki ta un caro deber di cada chauffeur.

Y ta hustamente pesai no por tin pordon pa un chauffeur ora cu pa su mes falta e comete un desgracia cu por ocasiona dajo of morto di un dje pasaheronan aqui cu ta confia na dje cuidao.

Particularmente un grupo di padvinder a jama masha atencion bao di guia di Sr. Chastlein. E grupo aqui ta carga number di Dr. Albert Plesman na honor dje gran director di KLM.

Y si chauffeurman realiza nan mes di e gran confianza aqui cu autoridad ta deposita den nan, anto indubablemente lo tin un gran reduccion di accidentenan na nos isla.

Pa duna un idea cuanto accident di trafico a tuma laga foi januari 1956 te october 1958 nos ta publica siguiente revisio:

1956: numero di accidentenan di trafico 2026; morto 13; gravemente herida 79; levemente herida 358. Accidentenan cu dajo material 1695; suma total dje calculacion di dajo material directa f 484.275.

1957: numero di accidentenan di trafico 2237; morto 16; gravemente herida 82; levemente herida 366; accidentenan cu dajo material 1884; suma total dje calculacion di dajo material directa f 607.068.

1958: numero di accidentenan di trafico 2062; morto 11; gravemente herida 82; levemente herida 286; accidentenan cu dajo material 1769; suma total dje calculacion di dajo material directa f 649.540.

Total: numero di accidentenan 6325; morto 40; gravemente herida 244; levemente herida 1010; accidentenan cu dajo material 5348; suma total dje calculacion di dajo material directa f 1.740.883.

W
A
T
K
A
N
K
A
N
K
A
N
K
A
N
A
L
L
E
N

Grandi y chikito ta gusta ricibi regalo di KAN